



Ta'iala mo i latou o lo'o talosaga mo le Pacific Engagement Visa (PEV):

Auala e fa'amaonia ai le ofa mai le galuega ma le falefaigaluega



O le ā le ofa mai le galuega?

O le ofa mai le galuega o se mana'oga tataua mo le talosagaina o le PEV. A maua lau ofa mai se galuega, e mana'omia le lafoina (upload) i lau ImmiAccount. A auua ma se ofa talafeagai mai se galuega, e lē mafai ona faamaonia lau visa i lalo o le polokalame PEV.

E fa'aigoa fo'i o le konekarate mai le galuega.

Na'o le toatasi o lo'o aofia i lau talosaga e mana'omia ona iai se ofa mai se galuega. O lona uiga e mafai e le tagata e autū iai le talosaga, po o lana to'alua/paaga ona lafoina (upload) le ofa mai le galuega.

E mafai e le tagata autū o le talosaga ma lana to'alua ona fa'aogaina le PEV Employment Support Service.



Fesoasoani mo le fa'amaoniga o le fale faigaluega ma le ofa mai le galuega

E mafai e le PEV Employment Support Service ona fesoasoani ia oe e fa'amaonia le talafeagai o lau ofa mai le galuega fa'apea ma le fale faigaluega ma mana'oga o le PEV.

O le PEV Employment Support Service e galulue fa'atasi ma fale faigaluega o lo'o mulimulita'i i tulafono ma mataupu fa'avae a le Department of Foreign Affairs and Trade (DFAT) e uiga i le Modern Slavery ma le Prevention of Sexual Exploitation, Abuse and Harassment (PSEAH).

E mafai ona e lafoina lau ofa mai le galuega i le PEV Employment Support Service. O le a siaki e le auua ma le ofa ma le falefaigaluega ina ia mautinoa e talafeagai.

A mae'a ona faia lenei siaki, o le a maua atu se Tusi Aofia o le Konakarate Tau Galuega (Employment Contract Cover Letter) mai le PEV Support Service. Pe a tu'uina atu lau talosaga mo le visa, e tataua ona e lafoina (upload)

lenei tusi aofia fa'atasi ma le ofa mai le galuega i lau ImmiAccount.



O mea e tataua ona aofia i le ofa mai le galuega

Fa'amolemole siaki ifo lau ofa mai le galuega ina ia mautinoa e fetau'i ma mana'oga uma mo le agava'a i le PEV. E tataua ona aofia i le ofa mai le galuega faamatalaga nei ina ia fetau'i ma mana'oga uma mo le agava'a i le PEV:

- **Ituaiga o galuega:** O le ofa mai le galuega e tataua ona avea ma se tulaga tumau, pe o se konekarate tumau mo se vaitaimi fa'apitoa i se galuega tumau (full-time) po o se vaega-galuega (part-time) (mo se fa'ata'ita'iga, se konekarate mo le 12 masina pe sili atu)
 - O ofa mai se galuega le-tumau (casual) (fa'ata'ita'iga, pe a leai se tautinoga mautinoa mo se galuega fa'aauau) e le talafeagai.
- **Tulafono o galuega po o se maliega tau galuega:** O lau ofa mai le galuega e tataua ona aofia ai le tulafono o galuega fa'aonaponei po o se maliega fa'apisinisi e fa'atatau i lau galuega O tulafono o galuega ma maliega tau galuega o ni pepa aloa'ia e fa'amatala ai tuutuuga maualalo o galuega, e pei o fua fa'atatau o togoti.
 - O tulafono o galuega e mafai ona e taga'i ai i le itulau a le Fair Work Ombudsman (FWO): fairwork.gov.au/employment-conditions/awards/list-of-awards
 - Afai e fa'aogaina se maliega tau galuega, e mafai ona e su'eina i le upega tafa'ilagi a le Fair Work Commission: fwc.gov.au/work-conditions/enterprise-agreements/find-enterprise-agreement



- **Fa'amatalaga o tulaga a le avanoa:** E tatau ona aofia i le ofa mai le galuega le tulaga o le galuega, tiute ma matafai, nofoaga o le galuega, ma itula o le galuega
- **Totogi ma tuutuuga o galuega:** E tatau ona fa'amatala manino e le ofa mai legaluega le aofa'i o le totogi o le a e maua, ma le igoa o le tulafono o le galuega po o le maliega o lo'o fa'atatau i lau galuega. E tatau fo'i ona tu'uina atu e lau fa'afaigaluega ia te oe se kopi o le Fair Work Information Statement (**FWIS**). Afai o lo'o ofoina atu ia te oe se galuega mo se vaitaimi fa'apitoa (fixed term position), e tatau fo'i ona tu'uina atu ia te oe le Fixed Term Contract Information Statement (**FTCIS**)
- **Fa'amatalaga o le falefaigaluega:** E tatau ona aofia i le ofa mai le galuega le Australian Business Number (ABN) a le falefaigaluega, tuatusi o le pisinisi, fa'apea le igoa ma fa'amatalaga e mafai ona fa'afeso'ota'i ai le pule o le falefaigaluega.

Mo nisi fa'amatalaga e uiga i ofa mai se galuega, asiasi i le itulau a le FWO: fairwork.gov.au/employment-conditions/employment-contracts

! Togafiti masani tau fa'asese tau galuega

A'o saili se galuega, e tãua tele le mataala i togafiti tau fa'asese e feso'ota'i ma galuega. E mafai e tagata tau fa'ase'e ona pepelogia fa'apea o ni kamupani moni po o ni tagata o lo'o suea ni tagata faigaluega ina ia gaoi au tupe po'o au fa'amatalaga patino. O le mea e sili ona tãua ia e manatua o le faagasologa moni ma aloa'ia o galuega i Ausetalia e lã tatau ona iai se tupe totogi. E lã tatau ona e totogiina se pili ina ia fa'afaigaluegaina oe.

Ia e mataala pe a e va'aia so'o se tasi o nei fu'a mumu (fa'ailoga lapata'i):

E talosagaina oe e totogi se tupe i le amataga

E talosagaina oe mo au fa'amatalaga patino i le popo fou

Ua maua le ofa mai se galuega mo se avanoa e te le'i talosaga iai

Ua maua se ofa mai se galuega e maualuga tele totogi, ae e itiiti se tomai po o le taumafaiga e mana'omia

O imeli e lafo mai i imeli patino (e pei o Gmail poo le Hotmail) nai lo se tuatusi imeli aloa'ia a se kamupani. O le vaivai o le kamala ma le sipelaga o ni fa'ailoga lapata'i fo'i

E fa'amalosia oe ina ia vave ona e faia se gaioiga

E feso'ota'i atu oe e ala i Agafeso'ota'i Fa'asalalau (e pei o Facebook po o WhatsApp), lea e masani ona fa'aaoga e tagata tau fa'asee i Ausetalia

E tatau ona siakiina i taimi uma le upega tafa'ilagi aloa'ia a le kamupani ina ia faamaonia ai e moni le galuega o lo'o ofoina atu. O lo'o iai le PEV Employment Support Service e fesoasoani ia te oe pe afai e te le'o mautonu i se ofa mai se galuega.

\$= Totogi maualalo i Ausetalia

O tagata faigaluega uma o lo'o galulue i Ausetalia e iai a latou aia tatau i le totogi maualalo. O le aofa'i maualalo lea e mafai ona totogi ai se tagata faigaluega mo le galuega o lo'o ia faia.

O le totogi maualalo e fa'asino i le aofa'i o le totogi a'o lei to'esea ai lafoga (gross pay). O nisi tagata faigaluega e iai a latou fua fa'atatau ese mai le totogi maualalo e fuafua i le ituaiga galuega, le matua po'o lo latou mafai ona galue (fa'ata'ita'iga, tagata faigaluega talavou, aperetenise ma le au a'oa'o).

O le tele o tagata faigaluega, o le fua fa'atatau maualalo o le totogi e fa'atulagaina e le 'award' o lo'o aofia ai lo latou alamanuia po o le galuega o lo'o latou faia. O 'awards' e aofia ai le tele o alamanuia ma galuega eseese, o lea ia e tãua ai le sa'o o mea e te filifilia.

E fa'atatau le Totogi Maualalo a le Atunu'u i tagata faigaluega e le o aofia i se 'award' po o se maliega ua resitalaina. O le fua fa'atatau maualalo leni o le totogi ua tu'uina mai e le *Fair Work Act 2009*, ma e toe iloiloaina i tausaga ta'itasi.

Tagata faigaluega o lo'o aofia i se tulafono tau galuega po'o se maliega ua resitalaina, e iai a latou aia tatau i fua fa'atatau maualalo o totogi, e aofia ai totogi fa'aopoopo ma isi alauni o lo'o fa'amatalaina i totonu o latou tulafono tau galuega po'o le maliega. E ono maualuga atu nei fua o totogi nai lo le Totogi Maualalo a le Atunu'u.



E mafai ona e a'oa'o atili ai e uiga i aia tataau ma tupe totogi fa'avae i le galuega, e aofia ai totogi ma galuega, i le upega tafa'ilagi a le Fair Work Ombudsman: [fairwork.gov.au](https://www.fairwork.gov.au) pe ala fo'i i le auai i se tasi o a matou fonotaga fa'amatalaga e uiga i galuega

O le PEV Employment Support Service e faia ni fa'atalanoaga i luga o upega tafailagi i taimi uma, e matou te tu'uina atu ai nisi fa'amatalaga e uiga i le fa'amausaliina o lau ofa faigaluega. Saili atili e uiga i le PEV Employment Support Service i le [pev.gov.au](https://www.pev.gov.au)

I luga la matou upega tafailagi, e mafai ona e saili ai isi punaoa, e aofia ai o pepa fa'amatalaga tau galuega ma fa'ata'ita'iga mo talaaga faigaluega.

